



江海之约

江海踏春赋

七郎

静海故州，崇明新立。星分斗牛，古今同气。引江龙而奔天牝，兴碧波而拥汪洋。凭海临风，狼山有极目之望；积沃成岛，东平育万类生勃。状元挥毫，玉成新纪；紫金飞架，崇启连襟。三地枕江南之韵，圣贤赴江海之约。王文公之闲情，问仙不遇；文少保之忠烈，蹈海难酬。时维二月，序列仲春，数九尽而惊蛰见，远山黛而春色分。邀高朋以并轡，寻青阳于瀛洲。巡江眺海，天旷盈目，踏春拾趣，百草葱茏。鹤翔鹿鸣，穷汀野之围屿；樱衣桃裳，即灵囿之婀娜。立华幕，披绣旌。宾主联袂尽欢，百姓天伦齐享。植绿奉签，天降唯春之祺；及时应令，地献百味之饕。风拂浪漪，天高野阔。落樱与和风齐飞，春江共海潮一曲。丝竹声籁，佩玉鸣銮非公子；霓裳羽衣，衣香鬓影是簪娘。

嗟乎，胜地常焕，盛筵有期。胜友如云，极娱游于日暇；双城携手，举盛事于海望。望魔都于日下，自南通于云间。襟江控海之地，文兴人旺之资。春光易老，不废江流万古；来日方长，必有钟伯之交。

赋成襟畅，见龙在田；逸兴成约，飞龙可望。



扫码阅读注释版